

## Wien, Österreichische Nationalbibliothek (ÖNB), Cod. 1596

1149

## D O G M A T I C I.

1150

contentione Codicis cum vulgatis ejus Scriptis constare posset. Negat ille in *Apologia* edit. Operum Paris. 1616. 4. praefixa: reperi Librum aliquem a se scriptum, qui *Sententiarum* dicatur. Quomodo igitur *Bernardus Capitula contra illum scripta et ad Innocentium II. missa ita concludere potuit: Haec autem capitula partim in libro Theologie Magistri Petri, partim in libro Sententiarum ejusdem, partim in libro, cui titulus est, Scito te ipsum, reperta sunt?* Citat *Abailardus* haec ipsa verba; ego vero illa in *Bernardi* edit. Paris. 1690. T. II. col. 640. et seqq. non inveni.

Egregium Codicem postice munuit mancum quidem Diploma, quo *Albertus II. Episcopus Frisingensis* e Comitib. de Hohenberg a. 1350. honorabilem Virum Vlricum Pincern — — in possessio nem mittit Capelle sancti Leonhardi per mortem honorabilis viri Nycolai Prepositi Monasterien. vacantem. Fundaverat et dotaverat eam *Henricus I. Ep.* qui obiit a. 1137. et ad eam condi voluit. Vide *Meichelbeckii Hist. Frising.* T. I. P. I. qui P. II. p. 535. etiam *Donationes* recitat.

## CCCCLXIII.

R. 1120 Codex membraneus lat. Sec. XII. Folior. 127. f. min. eleganter exaratus, literis initiorum auro, coloribusque variis, et rubricis distinctus, olimque Collegii S. J. Vienn. hunc titulum praefert: *Incipit prologus libri de sacramen-*  
*Denis Codd. Theol. V. II. P. II.*

tis. ab initio usque ad finem in unam seriem dispositis. Autor, qui tacetur, est *Hugo de S. Victore* Can. Reg. defunctus a. 1140. cui igitur Codex praesens aetate par esse possit. Initium Prologi est: *Librum de sacramentis christiane fidei studio quorumdam scribere compulsus sum. &c.* Hic tu per Sacraenta non Sigilla novae legis gratiam conferentia, sed universa Religionis nostrae Mysteria, atque adeo totam paene Theologiam dogmaticam intellige, quam *Hugo II. Libris complexus* est. Hi Libri in Partes, hae vero in Capita abeunt. Liber I. qui solus hunc Codicem implet, Partibus XII. definitur, atque harum Elenchus continuo Prologum subsequitur. P. I. C. 1. breve Praefamentum habet hujus exordii: *Cum igitur de prima eruditione sacri eloquii, que in historica constat lectione, compendiosum uolumen prius dictassem &c.* Vides Autorem innuere Tractatum suum *de Scripturis et Scriptoribus sacris*, cui proinde noster *de Sacramentis* pone subire deberet. At vero Editores Operum *Hugonis Rothomag.* 1648. f. eos ita divulgere, ut ille quidem Tomum I. auspicetur, hic autem Tomum III. seu postremum terminet. Contuli quodamtenus editionem mox memoratam cum Codice, vidique eam nostris e lectionibus perfici posse. Ita v. g. in illo Praefamine Edita in quo si fundamento, Codex in quo quasi fundamento. Ed. ut animus aliquid, Cod. ut animus legentis aliquid. Cap. 2. Ed. sive iis quae subse-

C

quun-

## Wien, Österreichische Nationalbibliothek (ÖNB), Cod. 1596

1151

## I C O D I C E S D

1152

quuntur, Cod. sive bis que subsequentur, Ed. consideratio tractatio quae, Cod. consideratio tractatio quae. Cap. 3. Ed. ut esset totius, Cod. ut etiam totius &c. Illud omittere non debeo, praetexta esse Codici Folia duo, quibus de Volum et Rerum Significationibus tractatur totidem Articulis, quorum prior insit: *Diligens scrutator sacri eloqui &c.* alter: *Discerne et considera diligenter &c.* uterque plane e mente *Hugonis*, quin et eadem phras, qua is *Excerptor. Prior. L. II. c. 5. edit. cit. T. II. p. 342.* utitur. Videbit igitur Operum *Hugonis* studiosior, quo illi Articuli pertineant, et an inter *Averadora* sint censendi. Ceterum alia integri hujus Operis Exemplaria jam dabo.

## CCCCLXIV.

**U. 622** Codex chartaceus lat. Sec. XIV. Folior. 166. f. per duas columnas scriptus, rubro distinctus, et testamento Thomae nostri Haselbachii olim addictus Collegio B. V. M. domus rubee rose apud fratres predicatorum in Wyenna continet *Hugonis de S. Viatore Can. Reg. Opus in II. Libros distinctum de Sacramentis*, quo vocabulo non hic Sacraenta veniunt Ecclesiae, sed arcana Dei in creando et reparando Homine Consilia. Prooeium incipit: *Librum de sacramentis cristiana fidei studio quorundam scribere compulsus &c.* Sequitur *Librorum, Partium et Capitum Conspectus*, ut in Edit. Rothomag. Opp. omn. T. III. 1648.

p. 482. f. demum Opus ipsum, cuius Textus ob lectionis varietatem non negligendus foret, si quis *Hugonis scriptor reges et ordinatus edendi consilium olim susciperet.* De hoc Populari nostro e *Blankenburgiorum Stirpe* a 1097. progenito haec ad calcem adduntur. *Hugo de sancto Viatore Parisius claruit, qui de contemplacione et moribus multa scripsit.* Huic in extremis laboranti hostiam non consecratam Monachi propter vomitus periculum attulerunt sacram eukaristiam simulantes, quod Hugo per spiritum intelligens exclamauit: *Cur me fallere fratres voluistis? Iste non est Dominus meus ihesus christus. Qui territi corpus christi attulerunt.* Sed Hugo propter vomitum communicare non audens sic orabat: *Ascendat filius ad patrem, et cum eo spiritus meus ad eum, qui dedit illum.* Quo dicto Eukaristia disparuit, et Hugo feliciter expirauit. Idem Hugo vixit sub Imperatore Henrico quarto, qui obiit Millesimo centesimo vigesimo quinto. Alii volunt 1140. Ad Codicis calcem praeter alia quaedam Notata fusior adscripta est Quæstio: *Vtrum per lapsum in nouum peccatum mortale omnia peccata prius commissa (remissa) in contritione reddantur.*

## CCCCLXV.

Codexchartaceus lat. Sec. XIV. R. 2297 Folior. 191. f. per duas columnas commode perscriptus et minio distinctus aliud est ejusdem Operis Exemplum integrum, cui prae